



Uorden disciplinar dil Consorzi da scola Sumvitg-Trun

A. General

Art. 1 Intent

¹Igl Uorden disciplinar dil Consorzi da scola Sumvitg-Trun survescha ensemen cun igl *Uorden da scola* e *l'ordinaziun executorica dil Uorden disciplinar* a contonscher las finamiras da formaziun tenor art. 2 dalla lescha da scola per scolas popularas dil cantun Grischun, sustegn las personas d'instrucziun d'ademplier lur obligaziuns tenor art. 59 dalla suranumnada lescha da scola e garantescha in menaschi da scola reglau.

²Quest uorden reglescha las cumpetenzas dil Cussegl da scola, dil meinascola e dallas personas d'instrucziun en cass disciplinars, sco era il proceder en cass da surpassaments disciplinars.

Art. 2 Vigur

¹Igl Uorden disciplinar vala per tuttas scolaras e tuts scolars dil Consorzi da scola Sumvitg-Trun. Las indicaziuns da personas, da funcziuns e da professiuns che figureschan en quest uorden serefereschon ad omisduas schlatteinas, aschilunsch ch'il senn ei buc evidentamein in auter.

²Igl Uorden disciplinar vala sin igl entir areal da scola¹ e/ni duront il temps da scola.

³Sco temps da scola vala il temps denter las 7:30 e las 17:00 (mesjamna las 7:30-12:00) e cumpeglia l'instrucziun sco era pausas ed ulteriuras occurrenzas da scola. Vacanzas e firaus valan buca sco temps da scola.

B. Reglas da cumpurtament

Art. 3 Reglaments integrai

Ordinaziun executorica tier igl uorden disciplinar ed Uorden da scola.

Art. 4 Disciplina en scola

¹Ils scolars secuntegnan andantamein, q.v.d. a moda discreta, respectonta e toleranta e tralaschan remarclas offendentas. Ils scolars sedeportan andantamein

¹ Areal da scola tenor document "Areal da scola", incl. viadi alla e liug dalla meisa da miezdi.



Uorden disciplinar

enviers conscolars, persunas d'instrucziun, autoritads da scola ed ulteriur personal da scola.

²Las directivas dallas persunas d'instrucziun, dallas autoritads da scola sco era digl ulteriur personal da scola (pedel, manischunz) vegnan suandadas.

³Il scolars eviteschan tut quei che disturba il menaschi da scola.

⁴II temps da scola ei da respectar strictamein.

Art. 5 Infrastructura ed inventari

¹Il scolars han quitau dils stabiliments, dils indrezs e dallas apparaturas, sco era d'ulteriur material da scola.

²Per donns portan ils caschunaders resp. ils responsabels per l'educaziun la responsabladad. Scadin donn sto vegnir annunziaus alla persuna d'instrucziun responsabla.

Art. 6 Pausas

¹Duront las pausas serendan il scolars el liber, excepziuns decida la persuna d'instrucziun responsabla.

²Senza lubientscha dalla persuna d'instrucziun responsabla eis ei buca lubiu da bandunar igl areal da scola duront il temps da scola.

³Cu ei stgalina l'emprema ga entran il scolars els stabiliments da scola, cura ch'ei stgalina la secunda ga sesanflan els en lur plaz en stanza d'instrucziun.

Art. 7 Maglias e bubrondas

¹Els stabiliments da scola eis ei tenor igl Uorden da casa dallas vischnauncas buca lubiu da magliar e da beiber, cun excepziun d'aua da spina. Era slogns vegnan buca tolerai.

²Il Consorzi sustegn ina nutriziun sanadeivla. Per quei motiv ageschan las persunas d'instrucziun en cass d'ina influenza negativa sin convivenza ni instrucziun en quei grau.

Art. 8 Mieds nuscheivels

¹Consumar ni posseder bubrondas alcoholicas, tubac (incl. cigarettas electronicas e semegliant) e/ni mieds narcotics duront il temps da scola ei strictamein scumandau. En cass d'in surpassament vegnan il mieds confiscaj ed il geniturs ni il responsabels per l'educaziun informai, il quals duein medemamein retenir il material confiscau.

²Scolars che sesanflan duront il temps da scola sut influenza da mieds nuscheivels vegnan sclaus dall'instrucziun, resp. d'occurenzas currentas. Il geniturs ni il



Uorden disciplinar

responsabels per l'educaziun vegnan informai ed ein responsabels pil transports dil scolars a casa.

³En cass da hanletg ni en cass da suspect da hanletg cun mieds narcotics vegnan ils geniturs ni ils responsabels per l'educaziun ed ulteriuramein la polizia informada.

Art. 9 Apparats da medias e telefonins

¹Apparats da medias resp. electronics (p.ex. macbook, telefonins, recepturs da tgau etc.) ston esser sclai ed astgan buc esser veseivels.

²En cass d'in surpassament da quest artechel vegnan ils apparats confiscaj e returnai als scolars suenter in'jamna calendara.

Art. 10 Armas e punctaders da laser

¹Tuttas sorts d'armas, imitaziuns d'armas e punctaders da laser ein scumandai.

²En cass d'in surpassament vegnan ils mieds confiscaj ed ils geniturs ni ils responsabels per l'educaziun informai, ils quals duein medemamein reter il material confiscau. Tenor grevezia dil cass vegn ulteriuramein la polizia informada.

Art. 11 Violenza

Ei vegn tolerau negina violenza corporala e/ni verbala e negin agir che metta en prighel tiarzas personas.

Art. 12 Responsabladad

¹Per il viadi a scola/a casa han ils geniturs ni las personas responsablas per l'educaziun la responsabladad e l'obligaziun da survigilanza.

²Ordeifer igl urari da scola schai la responsabladad pils scolars tier ils geniturs ni las personas responsablas per l'educaziun.

C. Castitgs disciplinars, cumpetenzas, procedura

Art. 13 Castitgs disciplinars

¹Ultra dallas consequenzas menziunadas en singuls artechels vegnan surpassaments digl Uorden disciplinar notai ell'acta dil scolar e san vegnir puni cun admoniziuns en cumbinaziun cun pensums e/ni lavurs da castitg, castitgs specials ed arrests.

²Duront arrests e castitgs specials duei il scolar vegnir survigilaus. II cuoz maximal per ils arrests e per castitgs specials munta a 6 mezs dis. Arrests e castitgs specials san era vegni exequi ordeifer il temps da scola.



Uorden disciplinar

³En cass da grevs surpassaments disciplinars ni da tenutas repetidamein munglusas enviars igl Uorden disciplinar sa vegnir ordinau in ultimum en cumbinaziun cun ulteriuras mesiras disciplinaras adequatas, ni sa in'exclusiun dalla scola tenor la lescha da scola (LS art. 55), resp. tenor l'ordinaziun da scola (OS art. 54) suandar.

⁴L'execuziun dils castitgs disciplinars vegn reglada en l'ordinaziun executorica tier igl Uorden disciplinar.

⁵En mintga cass eis ei da risguardar art. 16 e 17 da quest uorden concernent il spazi da temps denter ina decisiun disciplinara e l'execuziun da tala.

Art. 14 Cumpetenzas

¹Las personas d'instrucziun san ordinar pensums e/ni lavurs suplementaras d'entochen in miez gi per cass.

²Il menader da scola sa ordinar admoniziuns ed in ultimum en scret, castitgs specials ed arrests da tochen 4 mezs dis per cass.

³II Cussegl da scola ha la cumpetenzza d'ordinar castitgs specials ed arrests da tochen 6 mezs dis per cass. Plinavon ha il Cussegl da scola la cumpetenzza d'ordinar tut ils castitgs disciplinars tenor quest Uorden disciplinar.

Art. 15 Procedura ed informaziun

¹Ils geniturs ni las personas responsablas per l'educaziun ein d'informar davart mintga mesira disciplinara che survarga ½ gi entras l'istanza che decida.

²Davart cass disciplinars informeschan las personas d'instrucziun, il menader da scola da scola e las autoritads responsablas ina l'otra commensuradamein cun risguardar l'obligaziun da discreziun.

Art. 16 Constataziun dils fatgs, uvida giuridica

¹Gener e circumstanza dil surpassament disciplinar ein da sclarir. II scolar ha il dretg e sto vegnir tedlaus avon ina decisiun.

²En cass ch'in arrest ni ch'in castitg special survarga 2 mezs dis, eis ei da tedlar ils geniturs ni las personas ch'ei responsablas per l'educaziun avon che decider.

Art. 17 Recuors(tenor Lescha da scola, art. 95)

¹Encunter decisiuns disciplinaras entras la persona d'instrucziun ni entras il menader da scola sa vegnir fatg recuors tier il Cussegl da scola enteifer 10 dis suenter la communicaziun.

²Sebasond sin la lescha cantunala da scola san personas directamein pertuccadas recuorer encunter decisiuns pridas entras il Cussegl da scola enteifer 10 dis tier il Departement d'educaziun, cultura ed ambient.



Uorden disciplinar

D. Determinaziuns finalas

Art. 18 Execuziun

Las personas d'instrucziun, il menader da scola ed il cussegl da scola ein mintgamai responsabels per l'execuziun dils castitgs ch'els han ordinau. L'execuziun sa era vegnir delegada a personas d'instrucziun ed ad autras personas ni instanzas.

Art. 19 Denunzia

Il menader da scola ed il Cussegl da scola ein autorisai e tut tenor grevezia dil cass obligai da purtar plogn alla polizia ni d'informar l'autoritat per la protecziun d'affons e carschi (KESB).

Art. 20 Entrada en vigur

Igl Uorden disciplinar ei vegnius approbaus dil Cussegl da scola ils 28-5-2021 ed entra en vigur cun l'entschatta digl onn da scola 2021/22. El remplazza tut ils uordens disciplinars e las directivas correspondentas valeivels tochen uss.

Cussegl da scola Consorzi da scola Sumvitg-Trun

La presidenta



Erica Cavegn-Pfister

Il vicepresidente

Baseli Tomaschett




Areal da scola Trun



- ❶ Plaz da pausa grond
- ❷ Plaz da pausa scoletta
- ❸ Plaz da pingpong
- ❹ Plaz verd
- ❺ Center communal (halla da gimnastica)



Areal da scola Rabiuis



Areal da scola



Plaz da pausa

①

Plaz verd

②

Galleria cun la meisa da pingpong e cun igl auto

③

Plaz verd dadens scola

④

Plaz davos halla

⑤

Plazza da giug

⑥

Plaz da bal a canaster

⑦

Plaz verd avon scoletta cun la sablunera